



Universitätsbibliothek Paderborn

**Francisci Baconi Baronis de Verulamio, Vice-Comitis S.
Albani, Summi Angliæ Cancellarii, Opera omnia, Quæ
extant: Philosophica, Moralia, Politica, Historica ...**

Bacon, Francis

Francofurti ad Moenvm, 1665

LIV. De officio Judicis.

urn:nbn:de:bvb:12-bsb10497643-5

ricus Quartus Rex Gallie. Quarto loco, *Propagatores*, sive *Propugnatores Imperii*; qui bellis honorificis fines Imperii protulerunt; vel defensione strenua & nobili invadibus resistiterunt. Ultimo loco, *Pares Patriae*; qui justè imperant, & temporibus felicibus, quamdiu vivunt, *Cives suos* beant. In his ultimis duobus exempla non adduco, quandoquidem tanto numero sint. *Honorum*, qui *Subditis* competere possunt, *gradus* hi sunt. Primo Ita-
tuendi *Principes curarum*; ii nimirum, quorum humeris præcipuum pondus rerum suarum *Principes* imponunt: Vulgo appellamus *Manus Regum dexterarum*. Secundo, *Duces belli*: *Regum* suorum intelligo *Locum tenentes*; qui operam eis egregiam in bellis praestant. Tertio, *Gratiis*: eos volo qui non ultra hoc potentes sunt, quam ut *Principibus solatio* sint, & *Populo* innoxii. Quartò, *Negotis pares*: qui magnos sub *Principibus* gerunt Magistratus: in quibus iuste & prudenter versantur. Est & genus quoddam *Honoris*, quod raro contingit; & tamē inter maximos reponi meretur: *Hic est eorum*, qui se morti & periculis devotent, & sacrificant, propter bonum patriæ: *Quod fecerunt Marcus Regulus*, & duo *Decii*.

LIV.

DE OFFICIO JUDICIS.

Meminisse debent *Judices*, esse Muneris sui, *Ius dicere*, non autē *Ius dare*: Leges inquam interpretari, non condere. Alter, devenit eorum auctoritas simile quiddam auctoritati illi, quam sibi vendicat *Ecclesia Romana*: quæ prætextu *Interpretationis Scripturarum*, etiam addit aliquid quandoque, & immutat; & pronunciat, quod non invenit; atque specie Antiquitatis, introducit Novitatem. *Judicem* oportet esse, potius eruditum, quam ingeniosum, venerabilem, quam gratiosum, magisq; deliberativum, quam confidentem. Ante omnia integritas *Judicem* quasi portio est, virtusque propria. *Maledictus* sit (inquit *Lex*) *qui terminum terræ moveat antiquum*. Sane qui lapidem, fines distinguenter, transponit, culpa non caret: Verum *Index* injutus ille est, qui præcipe *Terminus* immutat, cum de terris & rerum proprietate iniquam fert sententiam. Una certe iniqua sententia plus nocet, quam exempla plurima. Hæc enim rivulos tautum inficiunt, illa autem fontes. Ita ait *Salomon*: *Fons turbatus, & vena corrupta est justus cadens, in causa sua, coram adversario*. Officium *Judicis* relationem habere possit, partim ad *Litigantes*: partim ad *Advocatos*: partim ad *Scribas* & *Ministros Iustitia* subitus: partim ad *Principem* vel *Statum* supra.

Primo quantum ad *Cansas* & *Litigantes*: Sunt (inquit *Scriptura*) *qui judicium vertunt in absinthium*: Sunt etiam certe, qui illud vertunt in *acervum*. Injustitia enim illud reddit *amarum*: *mora acidum*. *Index* strenuus hoc præcipe agit, ut vim & dolum compescat; quorum vis magis pernicioса est, quanto apertior, dolus quanto teñior & occultior. Adde etiam *Lites* contentioſas; qua evomi debet, ut crapula *Curiarum*. *Judicem* decet viam parare ad justam sententiam, quem *Deus* parat, *valles exaltando*, *colles deprimento*. Eodem modo, quando ex alterutra parte videt *Index* manum elatam, veluti in prosecutione importuna, captionibus malitiosis, combinationibus patrocinio potentum, *Advocatorum* disparitate, & similibus; tum elucescit

virtus *Judicis* in æquandim iis quæ suht inæqualia; ut *Judicium* suum veluti in arena plana fundare possit. *Qui fortiter emungit, elicit sanguinem*: Cumque torculari vini premitur fortius, vinum prodit acerbum, acinum lapiens. Itaq; caveant sibi *Judices* ab interpretationibus *Legum* duris, & illationibus alte petitis. Neq; enim pejor est tortura, quam tortura *Legum*. Præcipue in *Legibus panalibus* curæ iis esse debet, ne, quæ in terrorem latrunt, vertantur in rigorem: neve in *Populum* superinducant imbreui illum, de quo *Scriptura*: *Pluet super eos laqueos*. Etenim *Leges panales*, si severè executione demandentur, sunt similes *imbris laqueorum*, cadenti super *Populum*. Itaq; hujusmodi *Leges*, si vel dormiverint diu, vel temporibus prudentibus minus quadrent, à *Judicibus* prudentibus, in executione earum, reprimantur:

Judicis officium est, ut res, ita tempora rerum, &c.

In Causis capitalibus, decet *Judices* (quantum Lex permittit) in *Judicio* meminisse misericordia; & cum severitate *Exemplum*, cum pietate *Personam* intueri.

Quantum ad *Advocatos* qui Causas agunt; Patientia, & Gravitas, ut Causis audiendis, *Insistit* est pars essentialis, & *Judex* nimium interloquens minime est *Cymbalum bene-fonans*. Non laudi est *Judici*, si primus aliquid in Causa inveniat, & arripiatur, quod ab *Advocatis*, suo tempore, melius audire potuisset: aut acumen ostentet in probationibus vel *Advocatorum* Perationibus nimis cito interrupendas; aut anticipet informationes *Quæstionibus*, licet ad rem pertinentibus. *Judicis* partes in audiendo sunt quatuor: Probationum seriem ordinare; *Advocatorum*, & testimoniū, prolixitatē, repetitio-
nem, aut sermones extra rem moderari; Eorum, quæ allegata sunt, medullam, & quæ majoris momenti sunt, recapitulare, feligere, & interscōponere; Et demum Sententiam ferre. Quicquid ultra hæc est, nimium est; & oritur aut à glo-
riola & loquendi aviditate; aut ab audiendi impatiencia; aut à memoria debilitate; aut à defectu at-
tentioñis sedata, & aquabilis. Sapè numero mirum est visu, quantum *Advocatorum* audacia apud *Judices* valeat; ubi contra, *Judices*, ad imitationem *Dei*, (in cuius Tribunalis sedent,) *superbos compri-meres*, & *humiles erigere*, deberent. Sed etiamnum magis mirum est, *Judices* *Advocatis* quibusdam præ ceteris immoderate & aperte favere: Quod necesse est ut merces *Advocatorum* augeat & multiplacet, atque simul suspicionem corruptionis & obliqui ad *Judices* aditus inducat. Debetur *Advocato* ad *Judice* laus aliqua, & commendatio, cum Causæ bene aguntur, & tractantur; præfertim, si Causa sua cadat: Hoc enim apud Clientem existimationem *Advocati* sui tuerit, & simul opinionem ejus de Causa sua profernit. Debetur etiam Reipublica, reprehensione *Advocatorum* modera-
ta, ubi callida nimis præstant consilia, aut supina apparet negligentia, aut levis informatio, aut indecora importunitas, aut impudens defensio. *Advocatus* autem illud tribuat *Judici*, ne illi obstrepat, aut se rursus in Causam agendum callide insinuet, postquam *Index* de re pronunciaverit. E contrario autem, *Index* se Causæ media, & nullatenus perorata, non ingerat; nec *Clienti* occa-
sionem

sionem præbeat, ut *Advocatos suos*, vel probatio-
nes, ad plenum non auditas, conqueratur.

Quantum ad *Scribas & Ministros, Sedes Iustitiae*,
veluti locus sacratus est; ubi non tantum sedes ipsa,
sed & sub sellia, & p̄cinctus fedis, scandalo & cor-
ruptelis vacare debent. Etenim ut ait *Scriptura*)
non colliguntur uva ex spinis: neque *Iustitia* sua-
ves suos fructus edere potest inter vesperas & du-
meta *Scribarum & Ministrorum* rapacium, & lu-
cris inhiantium. *Curiarum* assecle pravi, sunt qua-
tuor. Primò *Seminatores litium*, qui Curias tume-
scere faciunt, Populum tabescere. Secundò, qui
Curias contentionibus circa *Iurisdictionem* impli-
cant: neque vere sunt (ut habentur) *Amici Curie*:
sed *Parasiti Curie*: Curias inflando ultra terminos;
propter micas & compēdia propria. Tertio, ii, qui
posunt censer i tanquam. *Curiarū manus sinistra*:
Homines, qui Curiarum processus legitimos, di-
verticulis, & versutis, disforquent; *Iustitiamque*
in lineas obliquas, & labyrinthos, trahunt. Quar-
to, *Explicatores & Exactores Federum*, qui tritam
Similitudinem confirmant *Curiarum* ad *rubrum*:
quo dum ovis, tempestatem fugiens, se recipit,
velleris partes amittit. Contra *Scriba* antiquus,
in anteactis *Curiarum* peritus, in actis ipsis conci-
piendis caurus, & in negotiis *Curie* solers, digitus
est *Curia* egregius; Et læpe *Indici* ipsi viam mon-
strat.

Quantum vero ad *Principem, aut Statum; Iudices*, ante omnia, in memoris fixum tenere debent
versiculus ultimum *Dodecum Tabularum Romanarum*: *Salus Populi suprema Lex*: & pro certo
ponere, Leges, nisi sint in ordine ad eum finem,
res esse captiōsas, & oracula male inspirata. Itaque
bene succedit, cum Rex aut *Status* sapientis cum *Iu-
dicibus* deliberat; & rursus, cum *Iudices Principem*
& *Status* sapientis conculant. Ille, cum inter deliberationes Politicas interveniat *Quæstio Iuris*: Hi, cum
in Subjecto legali interveniant considerationes
Status. Contingit enim haud raro, ut res in *Iu-
dicio* adducta, veretur circa *Meum & Tuum*,
& nihilominus consequentia ejus ad rationes *Status*
penetret. Intelligo autem, ad rationes *Status* per-
tinere, non solum, si quid ad jura *Regalia* impeten-
da spectet, verum etiam si quid innovationem ali-
quam minus tutam, aut exemplum periculosem,
introducat; aut si manifesto portionem aliquam
Populi majorem gravet. Neque quisquam infirmi
Judicii existimet, iustas Leges adversus Politica
vera, aliquid antipathiae habere. Sunt enim hec
duo veluti spiritus & nervi, quorum alteri in alte-
ris moventur. Recordentur etiam *Indices, Salomo-
nis Thronum Leonibus* utrinque suffultum fuisse:
Sint sane *Leones*, sed *Leones* sub *Throne*: carentes,
ne aliquid ex *juribus Regalibus* impetrant aut con-
vellant. Postremo, ne sint *Indices tam ignari juris*,
& prærogativa sua, ut cogitent, non sibi relinqui,
tanquam muneris sui partem principalem, sānū &
prudentem Legum uitum, & applicationem. Etenim
in animum revocare poterunt dictum illud
*Apostoli de lege humanis legibus majore; Nos sci-
mus quia Lex bona est, modo quisea utatur legiūme.*

LV.

D E I R A.

Ira penitus extinguere velle, ostentatio quæ-
dam Stoicorum est. Meliora nos nasci sumus
Oracula: *Irasemini, & nolite peccare: Sol non*

occidat super iracundiam vestram. Limites *ira* ap-
ponendi sunt, & quoisque, & quamdiu. Dice-
mus primo, quibus modis *inclinatio naturalis*,
aut etiam *Habens ira*, temperari possit, & leniri.
Secundò, qualiter particulares *motus ira* reprimi
possint, aut saltem citra nocumentum cohiberi.
Tertiò, quibus modis *ira excitari* possit, aut se-
dari in aliis.

Quantum ad primum; Non alia se ostendit via,
quam ut serio in animo revolvās mala & calamita-
tes *ira*: & quam vehementer vitam humanam per-
turbat, & infestat. Huc autem tempestivum fuerit
maxime, si pone nos respiciamus, quam primum
impetus ira refederit. Eleganter *Seneca*; *Irā ruina
similem esse, qua in aliud cadēdo se ipsam communis
& frangit*. Hortatur *Scriptura*: *Ut animas nostras
in patientia possideamus*. Certe, quicunque patien-
tia excidit, de anima sue possessione dejicitur. Ho-
minis non est, *Apes imitari*.

— *Animas qua in vulnere ponunt.*

Ira sane, si quis recte attendat, res humili est, &
infra dignitatem hominis. Hoc liquebit, si illos in-
tueamur, in quibus *ira* regnat: qui plerunq; ex in-
firmioribus sunt, pueri, mulieres, senes, agrari. Itaq;
cum *irasci* contigerit, caveant homines, (si modo
dignitatis sua velint esse memores,) ne *irā* suam
cum metu corum quibus *irascuntur*, sed cum con-
temptu, conjungant; ita ut *injuria* superiores po-
tius videantur, quam inferiores: Quod non diffi-
cile factu forer, si quis *irā* suam paululum regat, &
inflectat.

Quantum ad Secundum; *Causas & Motivaires*,
principie tres sunt. Primò, si quis *pronus* sit ad *sen-
sum* *injuria*, nemo enim *irascitur*, nisi qui se laſsum
sentiat. Itaque teneri qui sunt, & delicati, ut subinde
irascantur, necesse est; & tot se offerent quæ illis
moletiam exhibebunt, quæ à Naturis robustiori-
bus vix sentiuntur. Secundo, si quis *curiosus &
perspicax* sit in *interpretatione* *injuria* illata, quatenus
ad *Circumstantias* ejus, ac si *contemptum* spiraret. Opini-
o enim *contemptus*, *irā* excitat & acuit, plus quam laſio ipsa. Itaque, si homines ad ista in-
geniosi sint, *irā* miris modis incendunt. Ultimo,
opinio contumelie, sive quod existimatio hominis
per consequentiam lēdatur & perstringatur, *irā*
intendit & multiplicat. Cui rei accedit *Remedium
presentaneum*; Ut quis utatur (quod *Consalvus* di-
cerē solebat) *tela honoris crassiore*: Sed in omnibus
Ira frāctionibus, optimum est, tempus lucrari, &
sibi ipsi persuadere, horam vindictæ nondum ad-
esse, sed instare, quasi ad manum, opportunitatem
aliquam majorem; atque hoc pacto, motum ani-
mi interim compescere, & se in tempus aliud ser-
vare. *Ira* autem, ut citra noxam crumpa, utcunq;
hominem obfederit, duo sunt, quæ maxime ca-
venda. Prior est, *Acerbitas verborum*, pricipue
aculeatorum, & ei, quem ferimus, priorū; *Com-
munitia enim maledicta mor dent minus*. Atque rur-
sus, *Secretorum revelatio*: Hoc enim societati quæ-
vis ineptum reddit. Posterior est, ne quis, dum *irā*
fervet, *negotium*, quod in manibus est, abrumpat:
sed, utcunq; *irā* frānum laxet, nihil tamen agat,
quod revocari non possit.

Quantum ad *excitandam aut sedandam irā* in
aliis: fit hoc maxime per temporum electionem
prudentem. Cum subtristis homines sunt, aut ali-
quantulum mōroſi, tempus est *irā* incendiendi

Deinde